



www.qbz.gov.al

# FLETORJA ZYRTARE E REPUBLIKËS SË SHQIPËRISË

Botim i Qendrës së Botimeve Zyrtare

Viti: 2023 – Numri: 80

**Tiranë – E premte, 26 maj 2023**

## PËRMBAJTJA

|                                                                 |                                                                                                           | Faqe |
|-----------------------------------------------------------------|-----------------------------------------------------------------------------------------------------------|------|
| Vendim i Këshillit të Lartë Gjyqësor<br>nr. 271, datë 25.5.2023 | Për fillimin e funksionimit të Gjykatës Administrative të Shkallës së<br>Parë Tiranë të riorganizuar..... | 9245 |
| Vendim i Këshillit të Lartë Gjyqësor<br>nr. 272, datë 25.5.2023 | Për fillimin e funksionimit të Gjykatës Administrative të Shkallës së<br>Parë Lushnjë.....                | 9246 |





**VENDIM**  
**Nr. 271, datë 25.5.2023**

**PËR FILLIMIN E FUNKSIONIMIT TË**  
**GJYKATËS ADMINISTRATIVE TË**  
**SHKALLËS SË PARË TIRANË TË**  
**RIORGANIZUAR**

Këshilli i Lartë Gjyqësor, mbështetur në nenet 135, pika 1, 147, pika 1, 147/a, shkronja “ë” të Kushtetutës së Republikës së Shqipërisë, nenet 13 dhe 66 të ligjit nr.98/2016 “Për organizimin e pushtetit gjyqësor në Republikën e Shqipërisë” i ndryshuar, nenin 44 të ligjit nr. 96/2016 “Për statusin e gjyqtarëve dhe prokurorëve në Republikën e Shqipërisë”, i ndryshuar, si dhe nenin 61, paragrafi 2, shkronja “ë” të ligjit nr.115/2016 “Për organet e qeverisjes së sistemit të drejtësisë”, i ndryshuar, me propozim të Komisionit të Planifikimit Strategjik, Administrimit dhe Buxhetit,

VENDOSI :

**SEKSIONI I**  
**DISPOZITA TË PËRGJITHSHME**

**Neni 1**  
**Emërtimi dhe selia**

1. Gjykata e Administrative e Shkallës së Parë Tiranë mban të njëjtin emërtim pas datës 1.7.2023.
2. Selia e Gjykatës Administrative të Shkallës së Parë Tiranë është në Tiranë, në adresën: Rruga "Ibrahim Pashë Bushatliu", nr.1001, Tiranë.
3. Gjykatat Administrative të Shkallës së Parë Durrës, Korçë dhe Shkodër ndërpresin veprimtarinë më datë 30.6.2023.

**SEKSIONI II**  
**ORGANIZIMI DHE FUNKSIONIMI I**  
**GJYKATËS ADMINISTRATIVE TË**  
**SHKALLËS SË PARË TIRANË**

**Neni 2**  
**Gjyqtarët e Gjykatës Administrative të**  
**Shkallës së Parë Tiranë**

1. Numri i gjyqtarëve të Gjykatës Administrative të Shkallës së Parë Tiranë përcaktohet me akt të veçantë të Këshillit të Lartë Gjyqësor.

2. Gjyqtari i emëruar/caktuar në një pozicion të përhershëm në Gjykatën Administrative të Shkallës së Parë Tiranë qëndron në të njëjtin pozicion në strukturën e re të kësaj gjykate.

3. Gjyqtari i emëruar/caktuar në një pozicion të përhershëm në gjykatat administrative të shkallës së parë Durrës, Korçë dhe Shkodër, të cilit i suprimohet pozicioni për shkak të riorganizimit gjyqësor, transferohet në pozicion të përhershëm në strukturën e re të Gjykatës Administrative të Shkallës së Parë Tiranë.

4. Pozicionet e shpallura për lëvizje paralele në Gjykatën Administrative të Shkallës së Parë Tiranë, për të cilat në datën 1.7.2023 nuk ka përfunduar ende procedura e lëvizjes paralele, konsiderohen pozicione të lira të përhershme në strukturën e Gjykatës Administrative të Shkallës së Parë Tiranë të riorganizuar. Këshilli i Lartë Gjyqësor pas datës 1.7.2023 vijon procedurat e papërfunduara për llogari të Gjykatës Administrative të Shkallës së Parë Tiranë të riorganizuar.

**SEKSIONI III**  
**ORGANET E ADMINISTRIMIT**  
**GJYQËSOR**

**Neni 3**  
**Organet e administrimit gjyqësor**

1. Kryetari i Gjykatës Administrative të Shkallës së Parë Tiranë zgjidhet nga Këshilli i Lartë Gjyqësor sipas përcaktimit të ligjit “Për statusin e gjyqtarëve dhe prokurorëve në Republikën e Shqipërisë”, i ndryshuar.

2. Në mungesë të kryetarit të Gjykatës Administrative të Shkallës së Parë Tiranë, kompetencat ushtrohen nga zëvendëskryetari i gjykatës deri në zgjedhjen e kryetarit.

3. Zëvendëskryetari në detyrë i Gjykatës Administrative të Shkallës së Parë Tiranë qëndron në detyrë deri në përfundim të mandatit, me përjashtim të rasteve kur ka shkaqe për mbarimin e statusit të magjistratit.

4. Kancelari në detyrë i Gjykatës Administrative të Shkallës së Parë Tiranë qëndron në detyrë deri në emërimin e kancelarit të ri të kësaj gjykate, sipas ligjit.

5. Këshilli i Gjykatës Administrative të Shkallës së Parë Tiranë, deri në zgjedhjen e kryetarit dhe emërimin e kancelarit, përbëhet nga zëvendës-



kryetari, kancelari në detyrë dhe gjyqtari me përvojën profesionale më të gjatë si gjyqtar në datën e fillimit të funksionimit të Gjykatës Administrative të Shkallës së Parë Tiranë të riorganizuar.

#### **SEKSIONI IV ADMINISTRIMI I BRENDSHËM GJYQËSOR**

Neni 4

##### **Administrata gjyqësore**

1. Administrata gjyqësore e Gjykatës Administrative të Shkallës së Parë Tiranë, e përbërë nga punonjësit që ushtrojnë shërbimet gjyqësore, administrative dhe mbështetëse sipas përcaktimit të ligjit, vijon të ushtrojë veprimtarinë dhe nuk i nënshtrohet procesit të ristrukturimit.

2. Administrata gjyqësore e gjykatave administrative të shkallës së parë Durrës, Korçë dhe Shkodër i nënshtrohet procesit të ristrukturimit.

3. Këshilli i Lartë Gjyqësor përcakton me akt të veçantë krijimin dhe funksionimin e Komisionit të Ristrukturimit, sipas ligjit.

4. Rregullat standarde për strukturën dhe organika e administratës gjyqësore të Gjykatës Administrative të Shkallës së Parë Tiranë të riorganizuar, përcaktohen me akt të veçantë të Këshillit të Lartë Gjyqësor.

#### **SEKSIONI V TRANSFERIMI DHE MENAXHIMI I ÇËSHTJEVE GJYQËSORE**

Neni 5

##### **Transferimi i çështjeve gjyqësore**

1. Çështjet gjyqësore të regjistruara në Gjykatën Administrative të Shkallës së Parë Tiranë, Durrës, Korçë dhe Shkodër deri në datën 30.6.2023, por që nuk kanë përfunduar sipas ligjit, transferohen në Gjykatën Administrative të Shkallës së Parë Tiranë, të riorganizuar.

2. Çështjet gjyqësore që transferohen në Gjykatën Administrative të Shkallës së Parë Tiranë, regjistrohen në regjistrat manualë dhe sistemin elektronik të menaxhimit të çështjeve ICMIS.

3. Për zbatimin e pikës 1 dhe 2 të këtij neni ngarkohet Departamenti i Administrimit të

Faqe | 9246

Gjykatave dhe Teknologjisë së Informacionit pranë Këshillit të Lartë Gjyqësor.

Neni 6

##### **Menaxhimi i çështjeve gjyqësore**

Çështjet gjyqësore të transferuara në Gjykatën Administrative të Shkallës së Parë Tiranë nuk i nënshtrohen rindarjes me short. Këto çështje vijojnë të shqyrtohen nga i njëjti trup gjykues.

#### **SEKSIONI VI PËRGJEGJËSITË BUXHETORE DHE FINANCIARE**

Neni 7

##### **Përgjegjësitë buxhetore dhe financiare**

Gjykata Administrative të Shkallës së Parë Tiranë, mbështetur në legjislacionin në fuqi, përmbush të gjitha detyrimet dhe përgjegjësitë që rrjedhin nga mbyllja në datë 30.6.2023 e aktivitetit ekonomiko-financiar të gjykatave administrative të shkallës së parë Durrës, Korçë dhe Shkodër.

Neni 8

##### **Hyrja në fuqi e vendimit**

Ky vendim hyn në fuqi me botimin në Fletoren Zyrtare.

PËR KËSHILLIN E LARTË GJYQËSOR  
KRYETARE  
Naureda Llagami

VENDIM

Nr. 272, datë 25.5.2023

#### **PËR FILLIMIN E FUNKSIONIMIT TË GJYKATËS ADMINISTRATIVE TË SHKALLËS SË PARË LUSHNJË**

Këshilli i Lartë Gjyqësor, mbështetur në nenet 135, pika 1, 147, pika 1, 147/a, shkronja “ë” të Kushtetutës së Republikës së Shqipërisë, nenet 13 dhe 66 të ligjit nr.98/2016 “Për organizimin e pushtetit gjyqësor në Republikën e Shqipërisë” i ndryshuar, nenin 44 të ligjit nr. 96/2016 “Për statusin e gjyqtarëve dhe prokurorëve në Republikën e Shqipërisë”, i ndryshuar, si dhe nenin



61, paragrafi 2, shkronja “ë” të ligjit nr.115/2016 “Për organet e qeverisjes së sistemit të drejtësisë”, i ndryshuar, me propozim të Komisionit të Planifikimit Strategjik, Administrimit dhe Buxhetit,

VENDOSI :

## **SEKSIONI I DISPOZITA TË PËRGJITHSHME**

### **Neni 1 Emërtimi dhe selia**

1. Gjykata e Administrative e Shkallës së Parë Lushnjë, fillon funksionimin më datë 1.7.2023.
2. Selia e Gjykatës Administrative të Shkallës së Parë Lushnjë është në Lushnjë, në adresën: Rruga; “Qemal Stafa”, Lagja “Çlirimi”, Lushnjë.
3. Gjykatat Administrative të Shkallës së Parë Gjirokastrë dhe Vlorë, ndërpresin veprimtarinë më datë 30.6.2023.

## **SEKSIONI II ORGANIZIMI DHE FUNKSIONIMI I GJYKATËS ADMINISTRATIVE TË SHKALLËS SË PARË LUSHNJË**

### **Neni 2 Gjyqtarët e Gjykatës Administrative të Shkallës së Parë Lushnjë**

1. Numri i gjyqtarëve të Gjykatës Administrative të Shkallës së Parë Lushnjë përcaktohet me akt të veçantë të Këshillit të Lartë Gjyqësor.
2. Gjyqtari i emëruar/caktuar në një pozicion të përhershëm në gjykatat administrative të shkallës së parë Gjirokastrë dhe Vlorë të cilit i suprimohet pozicioni për shkak të riorganizimit gjyqësor, transferohet në pozicion të përhershëm në strukturën e Gjykatës Administrative të Shkallës së Parë Lushnjë.

## **SEKSIONI III ORGANET E ADMINISTRIMIT GJYQËSOR**

### **Neni 3 Organet e administrimit gjyqësor**

1. Kryetari i Gjykatës Administrative të Shkallës së Parë Lushnjë zgjidhet nga Këshilli i Lartë

Gjyqësor sipas përcaktimit të ligjit “Për statusin e gjyqtarëve dhe prokurorëve në Republikën e Shqipërisë”, i ndryshuar.

2. Në mungesë të kryetarit të Gjykatës Administrative të Shkallës së Parë Lushnjë, kompetencat ushtrohen nga zëvendëskryetari i gjykatës deri në zgjedhjen e kryetarit.

3. Menjëherë me fillimin e funksionimit të Gjykatës Administrative të Shkallës së Parë Lushnjë, Mbledhja e Përgjithshme e Gjyqtarëve e thirrur nga gjyqtari me përvojën profesionale më të gjatë, zgjedh zëvendëskryetarin e kësaj gjykate.

4. Këshilli i Lartë Gjyqësor me propozim të Komisionit të Ristrukturimit cakton Kancelarin në detyrë të Gjykatës Administrative të Shkallës së Parë Lushnjë, sipas ligjit.

5. Këshilli i Gjykatës Administrative të Shkallës së Parë Lushnjë ngrihet dhe funksionon sipas ligjit dhe akteve nënligjore të miratuara nga Këshilli i Lartë Gjyqësor.

## **SEKSIONI IV ADMINISTRIMI I BRENDSHËM GJYQËSOR**

### **Neni 4 Administrata gjyqësore**

1. Administrata gjyqësore e Gjykatave Administrative të Shkallës së Parë Gjirokastrë dhe Vlorë i nënshtrohet procesit të ristrukturimit.
2. Këshilli i Lartë Gjyqësor përcakton me akt të veçantë krijimin dhe funksionimin e Komisionit të Ristrukturimit, sipas ligjit.
3. Rregullat standarde për strukturën dhe organika e administratës gjyqësore të Gjykatës Administrative të Shkallës së Parë Lushnjë, përcaktohen me akt të veçantë të Këshillit të Lartë Gjyqësor.

## **SEKSIONI V TRANSFERIMI DHE MENAXHIMI I ÇËSHTJEVE GJYQËSORE**

### **Neni 5 Transferimi i çështjeve gjyqësore**

1. Çështjet gjyqësore të regjistruara në Gjykatën Administrative të Shkallës së Parë Gjirokastrë dhe Vlorë deri në datën 30.6.2023, por që nuk kanë



përfunduar sipas ligjit, transferohen në Gjykatën Administrative të Shkallës së Parë Lushnjë.

2. Çështjet gjyqësore që transferohen në Gjykatën Administrative të Shkallës së Parë Lushnjë, regjistrohen në regjistrat manualë dhe sistemin elektronik të menaxhimit të çështjeve ICMIS.

3. Për zbatimin e pikës 1 dhe 2 të këtij neni ngarkohet Departamenti i Administrimit të Gjykatave dhe Teknologjisë së Informacionit pranë Këshillit të Lartë Gjyqësor.

Neni 6

#### **Menaxhimi i çështjeve gjyqësore**

Çështjet gjyqësore të transferuara në Gjykatën Administrative të Shkallës së Parë Lushnjë nuk i nënshtrohen rindarjes me short. Këto çështje do të vijojnë të shqyrtohen nga i njëjti trup gjyqësor.

### **SEKSIONI VI PËRGJEGJËSITË BUXHETORE DHE FINANCIARE**

Neni 7

#### **Përgjegjësitë buxhetore dhe financiare**

1. Drejtoria e Programimit dhe Monitorimit të Buxhetit pranë Këshillit të Lartë Gjyqësor

ngarkohet për përmbushjen e të gjitha detyrimeve dhe përgjegjësiqe që burojnë nga fillimi i funksionimit të Gjykatës së Shkallës së Parë Administrative Lushnjë.

2. Gjykata Administrative të Shkallës së Parë Lushnjë, brenda muajit korrik 2023, mbështetur në legjislacionin në fuqi, përmbush të gjitha detyrimet dhe përgjegjësitë që rrjedhin nga mbyllja në datë 30.6.2023 e aktivitetit ekonomiko-financiar të gjykatave administrative të shkallës së parë Gjirokastrë dhe Vlorë.

Neni 8

#### **Hyrja në fuqi e vendimit**

Ky vendim hyn në fuqi me botimin në Fletoren Zyrtare.

PËR KËSHILLIN E LARTË GJYQËSOR  
KRYETARE  
Naureda Llagami



*Shënim: Ky dokument është gjeneruar dhe vulosur me anë  
të një procedure automatike nga një sistem elektronik  
(Qendra e Botimeve Zyrtare)*

|                 |
|-----------------|
| Formati 61x86/8 |
|-----------------|

Shtypshkronja e Qendrës së Botimeve Zyrtare  
Tiranë, 2023

Adresa: Rr. "Nikolla Jorga", Tiranë  
Tel./fax: +355 4 24 27 004 Tel.: +355 4 24 27 006

Çmimi 32 lekë